

ի դարս եւ ի ժամանակս յայտնեալ: Եւ որպէս յանկարծակի պատահեցաւ քեզ փորձանակրութիւնդ՝ դարձեալ հաւատասցես զի յանկարծակի հասցէ քեզ յօգնութիւն յորում ժամու դու ոչ կարծես երբեք, բայց հաւատա՛ եւ մի՛ թերահաւատիր, բայց յուսա՛ եւ մի՛ երկմտիր: Ո՞չ ապաքէն գոչէր Յոր. Աչք քո յիս եւ ես ի դժոխս իցեմ. գոչեա՛ եւ դու ըստ Դաւթի թէ՛ Դարձ Տէ՛ր եւ փրկեա զանձն իմ եւ մի՛ ըստ անօրէնութեան իմում հատուցաներ ինձ: Զի չեմք մոռացեալ ի Տեառնէ եւ ոչ որպէս զանօթ կորուսեալ. զի ոչ յաւիտենից մերժէ զժողովուրդ իւր եւ ոչ ի սպառարգելու զողորմութիւն իւր ի մէնջ եւ ոչ մոռանայ զթալ զմեզ Աստուածն մեր: Եւ դու որ զգիրս սուրբս զիտես, որ կարողն են զքեզ իմաստուն առնել, զի ամենայն ինչ ի վարդապետութիւն մեր գրեցաւ, եւ ի միտ բեր զաստուածուսոյց մազթանք Տեառն մերոյ որով խրատէր զհաւատացեալս իւր ասելով. Յորժամ կացլիք յաղօթս՝ ասասջիք Մի՛ տար զմեզ ի փորձութիւն այլ փրկեա ի չարէն: Եւ դու ամենայնիւ խրատեալ խելամուտ լիցիս եւ զարթնուցուս որպէս ի քնոյ՝ դարձուցանելով զուշ քո ի քեզ եւ ճանաչիցես զտէր Աստուած քո, զի եւ նա զարթնուցու ի վերայ քո գթութեամբ որպէս զհօր զի թափէ զգինի առ ի բժշկութիւն ցաւոց քոց, եւ արագահաս լիցի առ ի փրկել զքեզ ի բանտէդ՝ լսելով զհեծութիւն կապելոյդ եւ արձակել զորդիդ որպէս մահապարտի, եւ յանկարծօրէն քեզ ի խաւարիդ լոյս ծագեսցէ որպէս եւ բազմից արար, զոր ընթեռնումք, եւ որպէս եւ բազմիցն իսկ եղեաք ականատեսք: Վասն որոյ խնդրեմք զի Տէր լիցի ձեռնտու ցուցանել զճանաչարհ կենաց եւ լուսոյ, որ է ինքն լոյս եւ կեանք: Եւ այսու միտթարեսցիս եւ զվախճան ելից քոց յուսով ի տէր Աստուած քո հաստատեսցես, զի Տէր մերձ